



**DELAC Lub Rooj Sibtham Cov Ntaub Ntawv Teev Tseg
Koog Tsevkawm Pawg Neeg Tawm Tswvyim rau Neeg Kawm Askiv
Lub Tsib Hlis Ntuj Tim 19, 2017**

DELAC Cov ntaub ntawv teev tseg

Jisel Villegas tau los ua kev zoo siab txais tos rau lub rooj sibtham. Nws tau los pib qhia txog Tizzy Wu, Tus Neeg Ua Haujlwm Kev Tswj Nyiaj rau Chav Tswj Cov Haujlwm Loj.

Ms. Wu tau tuaj sawv cev rau ntawm Barbara Mitchell, Tus Kavxwm ntawm Chav Tswj Kev Saibxyuas Nyiaj Txiag. Nws tau tham txog CARS, Consolidated Application Reporting System. Qhov ntawd yog ib yam twj uas cov koog tsevkawm siv los rau npe thov tsoom fwm tebchaws cov nyiaj rau cov menyuam kawmntawv uas yog Neeg Kawm Askiv los ntawm tus txheej txheem no, thiab ntawm txoj cai yuav tsum qhia rau cov niam txiv thiab zej zog cov tib neeg paub txog cov nyiaj.

Qhov hais los nov muaj xws li ntawm Title I, II, IIL-LEP thiab Title III cov kev pab rau neeg mus nyob lwm lub tebchaws thiab TRUSD twb tau los rau npe thov rau tagnrho cov no lawm. Ms. Wu tau hais txog txoj kev siv ntawm cov nyiaj no thiab ntawm phauntawv Txoj Kev Taug (saib qhov kev cobqhia nyob nplooj 3). Nws tau los qhia txog Title III LEP, uas yog muab cov phiajxwm thiab cov kev pabcuam rau cov menyuam kawmntawv Neeg Kawm Askiv uas yuav tsum yog cov kev pabcuam pab tshaj ntxiv tam li yog ib feem hauv tus phiajxwm qhia lus rau LEP cov menyuam kawmntawv.

Ms. Wu tau nug cov niam txiv seb lawv ho tshuav tej yam lus nug dabtsi. Mrs. Villegas tau los mus piav ntxaws dua qub rau ntawm Tile III uas yog qhia ntau tshaj txog cov phauntawv thiab txoj kev pab kawm ntawv, Kev Cobqhia Tsim Kho Loj Hlob rau cov niam txiv thiab cov xibfwb.

Dhau ntawd lawm Ms. Wu tau los nug ntxiv seb cov niam txiv puas tseem tshuav lub nug. Mrs. Villegas tau tham txog txoj kev hloov ntawm CELDT mus rau ELPAC, cov tsabntawv qhia tshiab yuav txawv heev tom qab uas txhua yam tau muab hloov tiav tag. Daimntawv tshawb fawb txog Nram Tsev Hom Lus tau coj los tham thiab Mrs. Villegas tau los piav ntau heev txog ntawm thawj peb nqe lus nug uas yog ib feem tseemceeb tshaj plaws ntawm txoj kev tshawb fawb tshuaj xyuas no. Nws yog qhov txiav txim rau txoj kev txheeb hais tias tus menyuam kawmntawv yog EL lossis tsis yog.

Nws tau los tham txog tsabntawv pab zam rau ntawm qhov kev txiav txim seb cov menyuam puas tau txais EL cov kev pabcaum, tiamsis lawv tseem yuav tsum tau raug xeem li qub. Ib tug niam txiv tau nug txog hais tias cov menyuam kawmntawv puas tseem raug tshem tawm hauv chavkawm los mus txais EL cov kev pabcuam. Mrs. Villegas tau piav qhia hais tias tus xibfwb ua haujlwm nrog cov menyuam kawmntawv nyob ua ib pawg tsawg raws li ntawm theem "EL". Cov xibfwb yeej yuav tsum muaj cov kev qhia uas twb npaj tau los rau lawv cov menyuam kawmntawv. Ib qhov ntawm peb cov homphiaj yog los ua haujlwm nrog kev kawmntawv tshwjkeeb cov menyuam kawmntawv. Lwm tus niam txiv tau los mus nug hais tias puas muaj ib qhov kev qhiantawv uas yeej npaj tau los rau cov menyuam kawmntawv ntawm thawj ntu pib hauv xyoo tshiab kev kawm.

Ms. Villegas tau los teb hais tias cov xibfwb yeej muaj cov kev qhiantawv uas lawv yuav tsum tau coj los siv rau hauv lawv cov kev qhiantawv. Mrs. Villegas tau tham txog niam txiv cov tsabntawv lub fajseeb tshiab; cov tsabntawv txwm xyoo uas muaj 4 hom ntsiab lus txawv.

Tsabntawv ntawm kev rov txheeb dua qhov lus fajseeb rau niam txiv no tseem tsis tau yog ib nqe lus ua uas yuav tsum tau xa tawm nyob rau hauv lub xeev txoj cai, tiamsis peb yeej xa tawm tuaj rau nej raws li peb txoj kev siab zoo. Tau los nug seb cov niam txiv puas muaj tej co lus nug, lus hais lossis cov lus xav pom zoo kom ua/muaj.

Tus neeg txawj tshwjxeeb rau ntawm kev los cuam tshuam pab kev kawm (Academic Intervention Specialist) hais tias qhov kev qhia rau cov menyuam kawmntawv paub txog qhov tseemceeb ntawm txoj kev xeeb yog ib nqe zoo tsimnyog ntawm cov kev xeeb no hauv chav tswj EL cov kev pabcuam.

Ib tug niam txiv tau los hais qhia tawm ib qhov kev txhawjxeeb hais txog li ntawm nws tus menyuam kawmntawv uas twb tsis txawj hais ib hom lus thib ob, tiamsis yeebvim yog nws tau raug txheeb muaj hais hom lus thib ob nram tsev rau hauv Daimntawv Tshawb Fawb Nram Tsev Hom Lus, lawv kuj tau raug muab tso nyob rau hauv cov chavkawm qhia ELD.

Ms. Villegas kuj tau los ua zoo piav txhij txhua hais txog li ntawm ELSD yuav tsum tau ua raws li lub xeev txoj cai li choj cov kev tswj thiab tau los mus pom zoo qhia kom cov niam txiv los mus qhia tawm lawv lub suab cov kev txhawjxeeb rau tsevkawm tsoom pawg neeg kav tswj thiab lub xeev cov nom tswv neeg sawv cev. Lwm tus tib neeg tau nug txog seb puas yuav muaj tau ib txoj hau kev los mus tsim ib qho kev sib sablaj hais txog li ntawm seb ho yuav hloov tau li cas ntawm menyuam kawmntawv qhov chaw kawm ntawv thiab txhua yam nyob ib puag ncig uas cuam tshuam nrog txoj kev kawm ntawm EL cov menyuam kawmntawv. Thiab kuj tau hais ntau ntxiv ntsig txog qhov tseemceeb ntawm CELDT txoj kev xeeb. Lwm qhov lus nug los ntawm ib tug niam txiv yog yuav muaj dabtsi rau ntawm cov menyuam kawmntawv uas twb tau raug rov txheeb lawm? Ms. Villegas tau piav hais tias tsis yog cov menyuam kawmntawv txhawm txawj hais ob hom lus no ces yuav txhais tau hais tias cov menyuam kawmntawv cuag tau cov qauv qhabnees tsim tseg nyob rau hauv txoj kev xeeb.

Heriberto, los ntawm Niam Txiv Kev Koomtes, tau cev lus tawm hais txog nws cov kev xav, cov menyuam kawmntawv ntawd uas kawm ib hom lus thib ob feem ntau siv li 6-7 xyoo rau tus menyuam kawmntawv mas nws thiaj li yuav txawj paub zoo tsimnyog nyob hauv ob hom lus uake.

Mrs. Villegas tau nug seb puas muaj tej co lus nug dabtsi ua zaum kawg thiab kuj pom tau hais tias tsis muaj li thiab lub rooj sibtham thiaj li tau los xaus lawm.

Chav Tswvj Neeg Kawm Askiv Cov Kev Pabcuam
5115 Dudley Boulevard McClellan, California 95652